

TEHNIČKI LIST 01.02.01.- BiH TEMELJNI PREMAZI

SILICATEPRIMER (JUBOSIL GX)

silikatni temeljni premaz

1. Opis, upotreba

SILICATEPRIMER je na osnovi kalijevog vodenog stakla izrađen **temeljni premaz za krečne i krečnocementne fasadne i unutrašnje zidne podloge prije bojenja silikatnim bojama i prije ugradnje silikatnih dekorativnih maltera. S njime možemo rijediti silikatne zidne boje i druge silikatne premaze, te silikatne maltere.**

Kemijski se veže na kreč u podlozi, egalizira je u pogledu upijanja vode, te na sebe veže prašinu i druge slabo prihvaćene dijelove koje čišćenjem iz bilo kojeg razloga nismo mogli odstraniti.

2. Način pakiranja

Plastične kante od 5 l

3. Tehnički podatci

gustoća (kg/dm ³)		~1,05
vrijeme sušenja T = +20 °C, rel. vl. zraka = 65 % (ur)	suho na dodir	~2
	primjereno za daljnju obradu	~12
	da je postignuta otpornost na ispiranja oborinskom vodom	~24
sadržaj lako hlapivih organskih tvari HOS (VOC) (g/l)		<3 zahtjev EU VOC – kategorija A/g (od 01.01.2010): <30

glavni sastojci: stirenakrilatno vezivo, kalijevo vodeno staklo, voda.

4. Priprema podloge (ako proizvod upotrebljavamo kao temeljni premaz)

Podloga mora biti tvrda, suha i očišćena od slabo prihvaćenih djelova, prašine, ostataka oplatnih ulja, masti ili druge prljavštine. Prije svega za vrlo zaprljane fasadne površine, te fasadne površine zaražene zidnim algama i plijesnim preporučujemo pranje mlazom vruće vode ili pare – poslije pranja površinu obavezno dezinficiramo.

Novougrađene maltere i izravnavajuće mase u normalnim uslovima (T = +20 °C, rel. vl. zraka = 65 %) sušimo, odnosno dozrijevamo najmanje 1 dan za svaki mm debljine. Kod obnavljajućeg bojenja s podloge u cijelosti odstranimo sve stare slabo prihvaćene i u vodi lako topive slojeve, špriceve i druge dekorativne nanose.

Prilikom mogućeg krpljenja bilo kakvih oštećenih površina koristimo samo postupke kojim pokrpljene površine u pogledu hrapavosti osiguravaju visoki nivo egaliziranosti.

5. Uputstvo za upotrebu (ako proizvod upotrebljavamo kao temeljni premaz)

Proizvod prije upotrebe dobro promiješamo i s vodom razrijedimo u omjeru 1 : 1. U slučaju da želimo temeljnim premazom podlogu predbojiti, miješamo ga s vodom i jednom od JUB-ovih silikatnih zidnih boja (možemo upotrijebiti JUBOSILCOLOR SILICATE ili REVITALCOLOR SILICATE, a za pripremu unutrašnjih površina i JUPOL SILIKAT) u omjeru 1 : 1 : 1. Količine koje su nam potrebne za premazivanje pojedinih ploha izračunamo ili procijenimo iz površine



tih ploha i podataka o prosječnoj potrošnji, u specifičnim slučajevima potrošnju odredimo mjerenjem na dovoljno velikoj testnoj plohi.

Nanosimo ga molerskom četkom primjerenom za nanos disperzijskih premaza ili dugodlakim krznenim odnosno tekstilnim molerskim valjkom (dužina dlaka, odnosno niti je 18 do 20 mm, upotrebljivo je umjetno krzno, odnosno tekstilne obloge različitih sintetičkih niti – poliamid, dralon, vestan, nylon, perlon ili poliester) u jednom sloju. Prilikom nanošenja valjkom upotrebljavamo odgovarajuću mrežicu za cijedenje.

Pojedinu zidnu plohu premazujemo bez prekida od jednog do drugog krajnjeg ruba. Površine nedostupne za standardni dugodlaki molerski valjak (uglovi, žljebovi, uske špalete, i sl.) uvijek najprije obradimo, te se pomognemo primjerenim četkama ili primjerenim uslovima manjim molerskim valjcima.

Bojenje je moguće samo u primjerenim vremenskim uslovima odnosno primjerenim mikroklimatskim uslovima: temperatura zraka i zidne podloge neka ne bude niža od +8 °C i ne viša od +30 °C, relativna vlažnost zraka ne viša od 80 %. Fasadne površine od sunca, vjetra i padavina zaštitimo sa zavjesama, unatoč takvoj zaštiti po kiši, magli ili jakom vjetru (≥30 km/h) ne radimo.

Okvirna odnosno prosječna potrošnja

SILICATEPRIMER 90 - 100 ml/m², ovisno od upojnosti i hrapavosti podloge

Odnosno

približno 60 - 70 ml/m², za pripremu mješavine za predbojenje

6. Čišćenje alata, postupanje s otpadom

UPOZORENJE! Prije nanošenja silikatnih premaza dobro zaštitimo prozorske i vratne okvire, prozorske klupice, također i stakla, te druge istaknute površine, jer mrlje nije moguće ukloniti.

Alat odmah poslije upotrebe temeljito operemo vodom.

Nepotrošeni premaz (samo onaj koji nismo rijedili!) u dobro zatvorenoj ambalaži spremimo za moguća popravljivanja. Neupotrebljive tekuće ostatke ne izlijevamo u kanalizaciju, vodotoke ili u okoliš i ne odstranjujemo ih zajedno s kućanskim otpadom. Izmiješamo ih s cementom (možemo dodati i stvrdnute ostatke maltera i otpatke, pijesak, piljevinu) i stvrdnuto odstranimo na odlagalište građevinskih (klasifikacijski broj otpada: 17 09 04) ili komunalnih otpada (klasifikacijski broj 08 01 12).

Očišćena ambalaža se može reciklirati.

7. Sigurnost pri radu

Prilikom upotrebe proizvoda poštujujte uputstva i propise iz zaštite na radu kod građevinskih odnosno molersko farbarskih radova.

Proizvod sadrži kalijevo vodno staklo, koje nadražuje oči i kožu, zato prilikom rada upotrebljavajte tome primjerena lična zaštitna sredstva.

Ispiranjem vodom pomažete sebi ukoliko proizvod dođe u dodir s kožom ili ako vam padne odnosno špricne u oči – u tom slučaju potražite i pomoć lekara.

8. Skladištenje, uslovi transporta i rok trajanja

Skladištenje i transportovanje pri temperaturi +5 °C do +25 °C, zaštićeno od direktnog uticaja sunca, izvan dohvata djece, NE SMIJE ZMRZNUTI!

Rok trajanja pri skladištenju u originalno zatvorenoj i neoštećenoj ambalaži: najmanje 18 mjeseci.

9. Kontrola kvalitete

Kvalitetne karakteristike proizvoda određene su internim proizvodnim specifikacijama i slovenskim, evropskim i drugim standardima. Dostizanje deklariranog odnosno propisanog nivoa kvalitete osiguravamo s u JUB-u već više godina uvedenim sistemom cjelovitog praćenja i kontrole kvalitete ISO 9001, što podrazumijeva dnevno provjeravanje kvalitete u vlastitim laboratorijima, povremeno i na Zavodu za građevinarstvo u Ljubljani, te na drugim neovisnim stručnim ustanovama u Sloveniji i inostranstvu. U proizvodnji proizvoda strogo poštujemo slovenske i evropske standarde s područja zaštite okoliša i osiguravanja sigurnosti i zdravlja na radu, što dokazujemo certifikatom ISO 14001 i OHSAS 18001.



10. Druge informacije

Tehnička uputstva u ovom prospektu su izrađena na osnovu naših iskustava i s ciljem, da se prilikom upotrebe proizvoda postižu optimalni rezultati. Za štetu, prouzrokovanu zbog pogrešnog izbora proizvoda, zbog nepravilne upotrebe ili zbog nekvalitetnog rada, ne preuzimamo nikakvu odgovornost.

Ovaj tehnički list dopunjuje i zamjenjuje sva predhodna izdanja, pridržavamo pravo mogućih kasnijih izmjena i dopuna.

Oznaka i datum izdavanja: **TRC-189/10-gru-tor**, 04.02.2010

Uvoznik, zastupnik i distributer za BiH:

JUB d.o.o. Sarajevo

Vlakovo 1J
71215 Blažuj
Bosna i Hercegovina
T: +387 33 692240
+387 33 692245
F: +387 33 692241
E: jub@jub.ba
www.jub.eu



Proizvod je proizveden u organizaciji koja posjeduje certifikat ISO 9001:2008,
ISO 14001:2004, OHSAS 18001:2007

